

四部文明

文懷沙 主編

魏晉南北朝文明卷



(十八)

陝西震旦漢唐研究院 編纂
陝西人民出版社

西安曲江文化產業投資集團支持

四部文庫

文懷沙主編

魏晉南北朝文明卷

十八

陝西震旦漢唐研究院 編纂
陝西人民出版社

「魏晉南北朝文明卷」十八



全三國六朝文一

全三國文七十五卷

全晉文一百六十七卷（一）（卷一至七九）

「清」嚴可均輯 三一—四〇二

「清」嚴可均輯 四〇三—八四八

全三國六朝文一



〔清〕嚴可均輯

全
三
國
文

張政
琴書



景印清光緒
王氏刻本



全三國文目錄

魏

武帝 卷一至卷三

文帝 卷四至卷八

明帝 卷九至卷十

廢帝 芳

高貴鄉公髦 已上卷十一

元帝 奐

武宣太后

文昭甄后

文德郭后

明元郭后 已上卷十二

陳思王植 卷十三至卷十九

中山王衮

曹洪

曹芳

曹爽

曹芳

曹珍 已上卷二十

夏侯惇

夏侯惠

夏侯玄

夏侯獻 已上卷二十一

華歆

全三國文目錄

王朗 已上卷二十二

王肅 卷二十三

賈詡

國淵

邴原

管寧

桓階

鍾繇

鍾毓 已上卷二十四

鍾會

孫邕

王凌

王廣

董昭

趙儼 已上卷二十五

邯鄲淳

陳羣

田豫

孫炎

董遇

韓暨

司馬芝 已上卷二十六

劉曄

滿寵

郭淮

何夔

楊阜

辛毗

高柔

孫禮 已上卷二十七

衛覬

聞人牟準 已上卷二十八

鮑勛

田瓊

于達叔

薛夏

劉若

蘇林

董巴

崔林

裴潛

機潛 已上卷二十九

應璩

應瑗

吳質

卞蘭 已上卷三十

高堂隆 卷三十一

劉劭

劉放

孫資

韋誕 已上卷三十二

蔣濟 卷三十三

全三國文目錄

劉放 卷三十四

傅巽 一作選

傅嘏

沐竝

浩周

盧毓

任嘏

樂詳

陳矯 已上卷三十五

衛臻

李伏

許芝

徐岳

孫欽

王傑

劉輔

王觀

王昶

王濬

鹿攸 韓蓋

郝昭 已上卷三十六

桓範 卷三十七

繆襲

麋元

薛靖

劉靖



荀闕	江衡
王基	王武
王象 已上卷二十八	張就
張既	孟康
李恩	程曉
畢軌	何晏 已上卷三十九
鄭小同	張揖
孫該	諸葛誕
母丘儉	秦靜
薛悌	趙怡
左延年	和洽
趙咨	程喜
張茂 已上卷四十	杜摯
全三國文目錄	
文欽	薛請
楊暨	隱蕃
丁謐	杜布
張敷	杜恕 已上卷四十一至卷四十二
李康	董尋
魚豢	殷褒
黃觀	虞松
朱誕	劉肇
甄毅	朱遺
龐延	李勝 已上卷四十三
趙孔曜	陶丘一
孔晏父	鄧艾
王衡	武申

阮武	阮籍 已上卷四十四至卷四十六
嵇康 卷四十七至卷五十二	伏義
嵇叔良	呂安
周晃	王俊
楊元鳳	霍弋
劉徽	賈岱宗 已上卷五十三
公孫淵	郭昕 柳蒲
列女	
高柔妻 已上卷五十四	
闕名	
詔令 上言 奏議 銘序 已上卷五十五 碑 雜著	
外國	
鮮卑軻比能	疎勒王 已上卷五十六
全三國文目錄	
右全魏文五十六卷一百七十八人	
蜀	
先主昭烈帝	後主 已上卷五十七
諸葛亮 卷五十八至卷五十九	許靖
張飛	馬超
趙雲	法正
來敏	劉豹
劉巴 已上卷六十	秦宓
馬良	馬謖
陳震	孟達
彭萊	程畿
李嚴	李邈
劉琰	向朗

張裔	已上卷六十一	楊儀
蔣琬	蔣斌	
費詩	費禕	
呂凱	張嶷	
姜維	蒲元	
習隆	楊戲	
向充		
雍闓		
關名		
議	別傳	已上卷六十二
右全蜀文六卷三十七人		
吳		
長沙桓王孫策	大帝	已上卷六十三
廢帝	景帝	
五		
全三國文目錄		
師命侯	已上卷六十四	太子登
孫皎	孫綝	
張昭	張承	
諸葛瑾	已上卷六十五	黃蓋
步騭	關澤	
許綜	張溫	後漢末有張溫此張溫同姓名
暨豔	謝承	
周魴	已上卷六十六	駱統
全綜	潘濬	
顧譚	胡綜	
是儀	已上卷六十七	虞翻
朱治	朱然	
朱績	吾粲	

陸績	陸遜	已上卷六十八
陸瑁	陸凱	
陸抗	已上卷六十九	陸景
朱據	已上卷七十	僕射存
羊衛	殷禮	
姚信	周昭	
韋昭	已上卷七十一	王蕃
賀劭	張詡	已上卷七十二
張純	後漢初有張純此張純同姓名	宗異
張儼	孟宗	
李衡	張勝	
張約	朱恩	
聶友	劉廋	一作劉欽
臧均		
徐整	射慈	一作謝慈
紀騭	已上卷七十三	華覈
皇象	邵疇	
萬震	吳彥	
孫歆	張俶父	
閔鴻	已上卷七十四	楊泉
嚴隱		
列女		
孫仲奇妹		
闕名		
上言	奏序頌傳碑識文	
釋氏		
文謙	康僧會	
六		
全三國文目錄		



僊道

葛玄

鬼神

宮亭湖廟神 已上卷七十五

右全吳文十三卷八十一人

大凡全三國文二百九十六人

荀彧荀攸張松關羽孫堅周瑜魯肅

呂蒙編入後漢文

大凡全三國文七十五卷

全三國文目錄

七

全三國文目錄終

全三國文卷一

烏程嚴可均校輯

魏

武帝

帝姓曹諱操一名吉利小字阿瞞沛國譙人漢相國參之後靈
帝時舉孝廉爲郎除洛陽北都尉遷頓丘令徵拜議郎光和太
拜騎都尉遷濟南相徵爲東郡太守不就尋徵爲典軍校尉獻
帝初董卓表爲驍騎校尉逃歸起兵行奮武將軍尋領兗州牧
建安元年拜建德將軍遷鎮東將軍封費亭侯假節錄尚書事
尋爲大將軍封武平侯進司空行車騎將軍九年領冀州牧十
三年爲丞相十八年策命爲魏公加九錫二十一年進爵魏王
二十五年薨諡曰武王文帝受禪追尊曰武皇帝廟號太祖有
孫子略解一卷兵書接要十卷兵法接要三卷兵書要略九卷

全三國文卷一

魏武帝

兵法一卷集三十卷逸集十卷

滄海賦

覽島嶼之所有

文選吳都賦劉逵注

登臺賦

引長明灌街里

水經濁漳水注

鵠雞賦序

鵠雞猛氣其鬪終無負期于必死今人呂鵠爲冠像此也
大觀本鵠雞案魏武賦可見者僅此三事耳初學記二十四引魏武魏賦序云王粲直登賢門引戟文類聚八十八校之則文帝作也故

假爲獻帝策收伏后

建安十九年

皇后壽得由卑賤登顯尊極自處椒房二紀于茲既無任姒徽音之美又乏謹身養己之福而陰懷妒害苞藏禍心弗可引承天命奉祖宗今使御史大夫郗慮持節策詔其上皇后璽綬退避中宮

遷于它館嗚呼傷哉自壽取之未致于理爲幸多焉
後漢書獻帝策立太后建安二十四年

夫人卞氏撫養諸子有母儀之德今進位王后太子諸侯陪位羣卿上壽滅國內死罪一等
魏志卞皇后傳

領兗州牧表

入司兵校出總銜任臣累葉受恩膺和洪施不敢順命是臣將戈帥甲順天行誅雖戮夷覆亡不暇臣愧臣與隆之秩功無所執臣爲假實條不勝華竊感識誦益臣惟谷
魏文類聚五十

陳損益表

陛下卽昨復蒙試用遂受上將之任統領二州內參機事實所不堪昔韓非閔韓之削弱不務富國強兵用賢任能臣臣驅驅之賈而當鐘鼎之任臣闇鈍之才而奉明明之政顧恩念責亦臣竭節投命之秋也謹條遵奉舊訓權時之宜十四事奏如左庶臣蒸瑩

全三國文卷一

魏武帝

增明太陽言不足採

魏文類聚五十二

表糜竺領贏郡

建安元年

泰山郡界曠遠舊多輕悍權時之宜可分五縣爲贏郡揀選清廉曰爲守將偏將軍糜竺素履忠貞文武昭烈請臣竺領贏郡太守撫慰吏民
蜀志糜竺傳注引曹公集

謝襄費亭侯表

建安元年

不悟陛下乃尋臣祖父廟豫功臣克定寇逆援立孝順皇帝謂操不忘獲封茅土聖恩明發遠念桑梓日臣臣爲忠孝之苗不復量臣才之豐否旣勉饒饒爵邑忝厥祖考復寵上將鉅鉞之任兼領大州萬里之憲內比鼎臣外參二伯身荷兼紱之榮本枝賴無窮之祚也昔大彭輔殷昆吾翼夏功成事就乃備爵錫臣束脩無稱統御無績比荷殊寵策命賡續未盈一時三命交至雙金重紫顯臣方任雖不識義庶知所九
魏文類聚五十二



魏晉南北朝文明

謝置旄頭表

不悟陛下復加後命命置旄頭曰此表海御覽六十八十

讓還司空印綬表

臣文非師尹之佐武非折衝之任遭天之幸于竊重授內踵伯禽司空之職外承呂尚鷹揚之事斗筭處之民其瞻觀水土不平姦究未靜臣常愧辱憂為國累臣無智勇助萬一夙夜顛懼若集水火未知何地可自殞越魏文類聚六十七

請爵荀彧表

建安八年

臣聞慮為功首謀為賞本野績不越廟堂戰多不踰國勳是故曲阜之錫不後營口蕭何之士先于平陽珍策重計古今所尚侍中守尚書令或積德累行少長無悔遭世紛擾懷忠念治臣自始舉義兵周游征伐與或戮力同心左右王略發言授策無施不效或之功業臣由呂濟用披浮雲顯光日月陛下幸許或左右機近忠

全三國文卷一

魏武帝

三

恪祗順如履薄冰研精極銳已撫庶事天下之定或之功也宜享

高爵已彰元勳魏志荀彧傳注引或別傳

守尚書令荀彧自在臣營參同計畫周旋征伐每皆克捷奇策密

謀悉皆共決及或在臺常私書往來大小同策詩美腹心傳貴廟

勝勲業之定或之功也而臣前後獨荷異寵心所不安或與臣事

通功並宜進封賞已勸後進者袁宏後漢紀二十九建安八年七月曹操上言案此與別傳之表

相當而

請封荀彧表

軍師荀彧自初佐臣無征不從前後克敵皆攸之謀也魏志荀彧傳

表稱樂進于禁張遼建安十一年

武力既弘計略周備質忠性一守執節義每臨戰攻常為督率奮

疆突固無堅不陷自援枹鼓手不知倦又選別征統御師旅撫眾

則和奉令無犯當敵制決靡有遺失論功紀用各宜顯寵魏志士心樂進傳

請增封荀彧表

昔袁紹作逆連兵官渡時朕寡糧單圖欲還許尚書令荀或深建宜往之便遠恢進討之略起發臣心革易愚慮堅營固守微其軍實遂摧撲大寇濟危呂安紹既破敗臣糧亦盡將舍河北之規改就荆南之策或復備陳得失用移臣議故得反旆冀上克平四州向使臣退軍官渡紹必鼓行而前敵人懷利臣自百臣眾怯況臣喪氣有必敗之形無一捷之勢復若南征劉表委棄兗豫飢軍深入踰越江河利既難要將失本據而或建二策呂亡為存臣禍為福謀殊功異臣所不及是故先帝貴指縱之功薄博獲之賞古人尚帷幄之規下攻拔之力原其績効足享高爵而海內未喻其狀所受不侔其功臣誠惜之乞重平議增增戶邑後漢荀彧傳又魏志荀彧傳注引或別傳曰太祖又表曰昔袁紹侵人郊甸戰于官渡時兵少糧盡圖欲還許書與或議或不聽臣建宜往之便恢進討之規更足臣心易其愚慮遂摧大逆覆賊其眾此或機勝之機臣不世出也及紹破敗臣糧亦盡呂為河北未易圖也欲南討劉表或復止臣願

全三國文卷一

魏武帝

四

其得失臣用反師遂吞四族克平四州向使臣退于官渡紹必鼓行而前或領覆之形無克捷之勢後若南征委棄兗豫則既難要將失本據或之二策呂亡為存臣請致福謀殊功異臣所不及也

捷前所賞錄未酬或機勝之功薄博獲之賞古人尚帷幄之規下攻拔之也又見袁宏後漢紀三十與別傳及後漢略同

表論田疇功

文雅優備忠武又著和于撫下慎于事上量時度理進退合義幽

州始擾胡漢交萃蕩析離居靡所依懷疇率宗人避難于無終山

北拒盧龍南守要害清靜隱約耕而後食人民化從咸共資奉及

袁紹父子威力加于朔野遠結烏丸與為首尾前後召疇終不陷

捷後臣奉命軍次易縣疇長驅自到陳討胡之勢猶廣武之建燕

策辭公之度淮南又使部曲持臣露布出誘胡眾漢民或困亡來

烏丸聞之震蕩王旅出塞塗由山中九百餘里疇帥兵五百啟導

山谷遂滅烏丸蕩平塞表疇文武有效節義可嘉誠應寵賞已旌其美魏志田疇傳注引先賢行狀

請追增郭嘉封邑表

臣聞褒忠示寵未必當身念功惟績因隆後嗣是已楚宗孫叔顯封厥子岑彭既沒爵及支庶誠賢君殷勤于清良聖祖敦篤于明勳也故軍祭酒涪陽亭侯潁川郭嘉立身著行稱度鄉邦與臣參事盡節為國忠貞淵淑體通性達每有大議發言盈廷執中處理勳無遺策自在軍旅十有餘年行同野乘坐共帳席東禽呂布西取眭固斬袁譚之首平朔土之眾踰越險塞盡定烏丸震威遼東已梟袁尚雖假天威易為指麾至于臨敵發揚誓命凶逆克殄勳實由嘉臣今日所已免展嘉與其功方將表顯使賞足已報效薄命天殞不終美志上為陛下悼惜臣下自毒恨喪失奇佐昔霍去病蚤死孝武為之咨嗟祭還不究功業世祖望極悲勳仁恩降下念發五內今嘉隕命誠足憐傷宜追贈加封並前千戶褒亡為存厚往勸來也

魏志郭嘉傳注引魏書又載文書聚五十一案

魏志郭嘉傳載此表云單祭涪陽郭嘉自從征伐十

全三國文卷一

魏武帝

五

有一年每有大謀臨敵制變臣策未決嘉輒成之平定天下謀功為高不幸短命事業未終追思嘉勳實不可忘可增邑八百戶並前千戶即前表約文惟多出增邑八百戶一句

表論張遼功

登天山履峻險已取蘭成湯寇功也增邑假節

魏志張遼傳

掩獲宋金生表

臣前遣討河內獲嘉諸屯獲生口辭云河內有一神人宋金生令

諸屯皆云鹿角不須守吾使狗為汝守不從其言者即夜聞有軍

兵聲明日視屯下但見虎跡臣輒部武猛都尉呂納將兵掩捉得

生輒行軍法

御覽三百三十七

雷荀彧表

臣聞古之遺將上設監督之重下建副二之任所已尊嚴國命謀而鮮過者也臣今當濟江奉辭伐罪宜有大使肅將王命文武施用自古有之使持節侍中守尚書令萬歲亭侯或國之重臣德洽

華夏既停車所次便宜與臣俱進宜示國命威懷虜虜軍禮尚遠不及先請臣輒雷或依已為重

後漢荀彧傳

讓九錫表

臣功小德薄忝寵已過進爵益土非臣所宜九錫大禮臣所不稱惶悸征營心如炎灼歸情寫實冀蒙聽省不悟陛下復詔褒諭已伊周未見哀許臣聞事君之道犯而勿欺量能處位計功受爵苟所不堪有損無從加臣待罪上相民所具瞻而自過謬其謂臣何

魏文類聚五十三

上器物表

臣祖騰有順帝賜器今上四石銅甗四枚五石銅甗一枚御物有純銀粉鈔一枚藥杵白一具

御覽七百五十七七百六十二

奏定制度

三公列侯門施內外塾方三十畝

御覽八百八十五

全三國文卷一

魏武帝

六

奏上九醞酒法

臣縣故合南陽郭芝有九醞春酒法用麴三十斤流水五石臘月二日清麴正月凍解用好稻米澆去麴滓便釀法飲日譬諸蟲雖久多完三日一釀滿九斛米止臣得法釀之常善其上清滓亦可飲若已九醞苦難飲增為十釀差甘易飲不病今謹上獻

北堂書鈔一百

都賦注引魏武集

奏事

有警急輒露版插羽

封氏聞見記四

上雜物疏

御物三十種有純銀參鑲帶漆畫書案一枚純銀參帶臺硯一枚

純銀參帶圓硯大小各一枚

書鈔一百三十三藝文類聚五十八初學記二十一御覽六百五

御物有漆畫草枕二枚貴人公主有黑漆草枕三十枚

書鈔一百二十四

御物三十種有純金香爐一枚下盤自副貴人公主有純銀香爐



四枚皇太子有純銀香爐四枚西園貴人銅香爐三十枚書鈔一百三十五枚文類聚七十御覽七百三十八百十二

御雜物用有純金書鈔一百三十五作純銀唾壺一枚漆園油唾壺四枚貴人有純銀參帶唾壺三十枚御覽七百三十五

御物三十種有上車漆畫重凡大小各一枚書鈔一百三十三御覽七百八

御物有純銀參鑲帶漆畫案一枚御覽七百十

枝貴人至公主九寸鐵鏡四十枚書鈔一百三十六初學記二十五御覽七百一十七

御物中宮貴人公主皇子純銀漆帶鏡一枚西園貴人純銀參帶五皇子銀匣一皇子雜用物十六種純金參帶方嚴四具御覽八百十二

鏡臺出魏宮中有純銀參帶鏡臺一枚又純銀七貴人公主銀鏡臺四書鈔一百三十六初學記二十五御覽七百一十七

純銀澡豆奩純銀括鏤奩書鈔一百三十五御覽七百一十七

全三國文卷一

魏武帝

七

銀鏤漆匣四枚書鈔一百三十五御覽七百三十三

油漆畫嚴器一純金參帶畫方嚴器一御覽七百一十七

御雜物之所得孝順皇帝賜物有容五石銅澡盤一枚書鈔一百一十九御覽七百

銀畫象牙盞五具御覽七百

中宮用物雜畫象列尺一枚貴人公主有象牙尺三十枚宮人有象牙尺百五十枚骨尺五十枚御覽八百三十三

中宮雜物雜象牙管鍼筒一枚御覽八百三十三

上書理寶武陳蕃

武等正直而見陷害姦邪盈朝善人壅塞魏志武帝紀注引魏書

兖州牧上書

山陽郡有美黎謹上縫帳二絲縷十斤甘黎二箱樺東二箱初學記二百六十九百九百七十一

上書讓增封建安元年

無非常之功而受非常之福是用憂結比章歸聞天慈無已未卽聽許臣雖不敏猶知讓不過三所目仍布腹心至于四五上欲陛下爵不失實下爲臣身免于苟取魏文類聚五十一

又上書讓封建安元年

臣誅除暴逆克定二州四方來貢臣爲臣之功蕭相國目關中之勞一門受封鄧禹呂河北之勳連城食邑考功効實非臣之勳臣祖父中常侍侯時但從寵扶翼左右既非首謀又不奮戰並受爵封豎臣三葉臣聞易豫卦曰利建侯行師有功乃當進立目爲諸侯也又訟卦六三曰食舊德或從王事謂先祖有大德若從王事有功者子孫乃得食其祿也伏惟陛下垂乾坤之仁降雲雨之潤遠錄先臣扶掖之節採臣在戎大馬之用優策褒崇光曜顯量非臣尪頑所能克堪魏文類聚五十一

上書讓費亭侯

臣伏讀前後策命既錄臣庸才微功乃復追述先臣顯顯揚見得思義屏營怖懼未知首領所當所授故古人忠臣或有連城而不辭或有一邑而違命所目然者欲必正其名也又禮制諸侯國土曰絕子孫有功者當更受封不得增襲其有所增者謂國未絕也或有所襲者謂先祖功大也數未極無故斷絕故追紹之也臣自三省先臣雖有扶輦微勞不應受爵豈逮臣三葉若錄臣關東微功皆祖宗之靈祐陛下之聖德豈臣愚陋何能克堪魏文類聚五十一

上書讓增封武平侯及費亭侯

伏自三省姿質頑素材志鄙下進無匡輔之功退有拾遺之美雖有大馬微勞非獨臣力皆由部曲將校之助陛下前追念先臣微功使臣續襲爵土祖考蒙光照之榮臣受不貲之分未有絲髮自報効昔齊侯欲更晏嬰之宅嬰曰臣之先容焉臣不足曰繼之卒違公命曰成私志臣自顧省不克負荷食舊爲幸雖上德在弘

全三國文卷一

魏武帝

八

下有因割臣三葉累寵皆統極位義在殞越豈敢飾辭魏文侯傳五十一

上書謝策命魏公

建安十八年五月

臣蒙先帝厚恩致位郎署受性疲怠意望畢足非敢希望高位庶幾顯達會董卓作亂義當死難故敢奮身出命摧鋒率眾遂值千載之運奉役目下當二袁炎沸侵侮之際陛下與臣寒心同憂顧瞻京師進受猛敵常恐君臣俱陷虎口臣不自意能全首領賴祖宗靈祐醜類夷滅得使微臣竊名其閒陛下加恩授臣上相封爵寵祿豐大弘厚生平之願實不望也口與心計幸且待罪保持列侯遺付子孫自託聖世永無憂責不意陛下乃發盛意開國備錫已貺愚臣地比齊魯禮同藩王非臣無功所宜膺據歸情上聞不蒙聽許嚴詔切至誠使臣心俯仰逼迫伏自惟省列在大臣命制王室身非已有豈敢自私遂其愚意亦將黜退令就初服今奉疆土備數藩翰非敢遠期慮有後世至于父子相誓終身灰軀盡命

全三國文卷一

魏武帝

九

報塞厚恩天威在顏悚懼受詔魏志武帝紀注引魏略

上言破袁紹

建安五年十月

大將軍鄴侯袁紹前與冀州牧韓馥立故大司馬劉虞刻作金璽遣故任長畢瑜詣虞爲說命祿之數又紹與臣書云可都頭城當有所立擅鑄金銀印孝廉計吏皆往詣紹從弟濟陰太守敘與紹書云今海內喪敗天意實在我家神應有徵當在尊兄南兄臣下欲使卽位南兄言呂年則北兄長呂位則北兄重便欲送璽會曹操斷道紹宗族累世受國重恩而凶逆無道乃至于此輒勒兵馬與戰官渡乘聖朝之威得斬紹大將淳于瓊等八人首遂大破潰紹與子譚輕身逃走凡斬首七萬餘級輜重財物巨億魏志武帝紀注引獻

帝起

破袁尙上事

臣前上言逆賊袁尙還卽厲精銳討之今尙人徒震蕩部曲喪守

引兵遁亡陳車被堅執銳朱旗震耀虎士雷譟望旗眩精聞聲喪氣投戈解甲翕然沮壞尙單騎遁走捐棄偽節銳鐵大將軍卽卿侯印各一枚兜鍪萬九千六百二十枚其矛楯弓戟不可勝數御覽

授崔琰東曹掾

君有伯夷之風史魚之直貪夫慕名而清壯士尙稱而厲斯可已率時者已故授東曹掾往踐厥職魏志崔琰傳

波議田疇讓官敘

昔夷齊棄爵而讓武王可謂愚闇孔子猶曰爲求仁得仁疇之所守雖不合道但欲清高耳使天下悉如疇志卽墨翟兼愛尙同之事而老聃使民結繩之道也外議雖善爲復合司隸曰決之魏志田疇傳注引

與韓遂敘建安十六年

全三國文卷一

魏武帝

十

謝文約卿始起兵時自有所逼我所具明也當早來共匡輔國朝魏志張既傳注引魏略

征吳敘

今孤戒嚴未知所之有諫者死魏志賈逵傳

原賈逵敘

逵無惡意原復其職魏志賈逵傳

合肥密敘

若孫權至者張李將軍出戰樂將軍守護軍勿得與戰魏志張

賜袁渙家穀敘

呂太倉穀千斛賜郎中令之家

呂垣下穀千斛與曜卿家

呂太倉穀者官法也呂垣下穀者親舊也已上二敘見魏志袁渙傳

魏晉南北朝文明

賜進士出身二品銜廣東等處提刑按察使司按察使兼管驛傳事務黃岡王德藻校刊

全三國文卷一終

全三國文卷一

魏武帝

十一

全三國文卷二

烏程嚴可均校輯

魏二

武帝二

置屯田令當在初平興年間

夫定國之術在于彊兵足食秦人曰急農兼天下孝武曰屯田定

西域此先世之良式也晉書食貨志魏武既破黃巾羽林監

爲徐宣議劉矯下令當在建安二

喪亂已來風教凋薄誦議之言難用褒貶自建安曰前一切勿論

其曰斷前誹議者曰其罪罪之魏志劉

褒賞令

別部司馬請立齊桓公神堂使記室阮瑀議之北堂書鈔

加褒祗子處中封爵並祀祗令建安六年

全三國文卷二

魏文帝

一

故陳畱太守袁祗天性忠能始共舉義兵周旋征討後袁紹在冀
州亦貪祗欲得之祗深附託于孤使領東阿令呂布之亂兗州皆
叛惟范東阿完在由祗曰兵據城之力也後大軍糧乏得東阿已
繼祗之功也及破黃巾定許得賊資業當興立屯田時議者皆言
當計牛輸穀佃科曰定施行後祗曰爲備牛輸穀大收不增穀
有水旱災除大不便反覆來說孤猶曰爲當如故大收不可復改
易祗猶執之孤不知所從使與荀令君議之故軍祭酒侯聲云科
取官牛爲官田計如祗議于官便于客不便聲懷此云云曰疑令
君祗猶自信據計畫還白執分田之術孤乃然之使爲屯田都尉
施設田業其時歲則大收後遂因此大田豐足軍用摧滅羣逆克
定天下曰隆王室祗興其功不幸早沒追贈曰郡猶未副之今重
思之祗宜受封稽畱至今孤之過也祗子處中宜加封爵曰祀祗
爲不朽之事魏志任峻傳注